

Transkription von Urkunde HST 1319c

Ort, Datierung: Stralsund, 1319-03-25

Signatur: Stadtarchiv Hansestadt Stralsund, StU 0149 [\[online\]](#)

Inhalt: Wizslaf tu Ruyen: Lehnsrecht

Wi wizslaf van der gnade godes vürste tũ Ruyen , dũn witlik allen luden in desseme breue / de nu sint vnde noch tũ komen scolē , Dat wi mit willen , vnde mit rade vnser truwen / ratgheuen vnde man dor sunderliker vrentscap , vnsen leuen Ratmannen , vnde Older=/mannen , vnde den menen bũrgheren tũ deme stralessunde gheuen vnde laten hebben / eweliken de lenware in alle den scolē in der seluen stat to me stralessunde , also dat / se se lȳen vnde dũn moghen also dicke , also se los werden , wen vnde weme se willen , dar , / ne scole wi noch vnse erfnamen nummer weder dũn eder spreken ,, Hir was ouer / Her hinrik van dechowe . Her siuert van plone . Her Conrad vnde her johan Dotenberch , / Her Rickold van deme smachtshaghen . riddere . Her Nȳcolaus starcove pleban tu Barth . / vnde henning bere vnse voghet tu ener openbaringhe desser dink hebbe wi vnse inghe=/seghel tũ desseme breue ghehenghet . Dit is gheschen tũme stralessunde na godes bort / Dusent iar . dreihundert iar vnde neghenteȳn iar des sunnendaghes alse men singhet , / Judica me deus